

甘肅府縣志輯

中國地方志集成

康熙寧遠縣志
乾隆西和縣志

中國地方志集成

甘肅府縣志輯 ③④

康熙寧遠縣志

乾隆寧遠縣志續略

乾隆西和縣志

鳳凰出版社 ● 上海書店 ● 巴蜀書社

新修寧遠縣志序

吾師慈谿馮先生泣寧遠數載既治而暇客歲冬
乃有事縣志之作而偉遠至署先生倒屣相延歡
讌竟日既而曰子來當有以助我布席而大明燈
促膝商榷義例揚屹風烈凡有所獻未有不首肯
者且曰子無以一日之長爲也吾唯于是正歲迫
矣其將歸終事檢詐竝當有以序之梯然避席
不敢當者移時而誼不能竟辭也今年春始克卒
業於山印而妄爲之序曰今天下上自掌輔下至
諸雜冗秩其被 朝命臨官者無慮萬計而事繁

寧遠縣志序

責劇莫甚於州縣就州縣論之自吳越大邑外當
次及吾陝而閩隴以西又爲吾陝之最耳目所及
其潦倒倥偬而不克自振者豈少也哉而先生獨
出其餘力以奮筆志乘撰著之間是遵何術而能
然與竊嘗以爲人之才力固自不齊而最懼有所
分用乃一經入官求田問舍囊橐有無之計每紛
然難出於簿書期會閒而事多不治積之愈久不
治者必愈甚迨覺悟思返則或已至於無可復及
蓋求爲兩得者當若於兩失此其所以少成而
多敗也先生以一毫不染之操運四面應鋒之才

韓 曾兩居揭齋內外終日肅然常如無一事者升

座排衙吏胥皆植立庭中殆似偶人此固以有大
過人者矣蓋惟其操廉故其心閒其心閒故其力
專其力專故其治疏通敏決整齊畫一而無壅滯
紛拏之患夫是以化洽於民信孚於上變畏途爲
雅俗而無難理也昔傅氏琰翻作縣竝有能名時
人傳其有理縣譜而劉位明乃謂之曰吾有奇術
爲卿家譜所不載但日食一升飯而莫飲酒此第
一要義也以先生之治寧觀之信而有徵矣然且
虛懷樂善好問不矜以權之謬劣無能爲役者藉
且進而教之俾得効微長於編摩風議而不之棄
陳壽稱諸葛孔明爲治世良臣管蕭亞匹今茲某
所自言但曰集衆思廣衆益勤攻己之缺失而已
持斯二術以往宰一邑則爲賢令長宰一郡則爲
賢太守宰一道則爲賢監司推而至於宰天下則
可以政平訟理吏治民安而爲賢宰相矣志乘數
卷區區文藝之末曾何足爲難易固宜其以遊公
之暇沛然出之而有餘也夫

省

康熙庚寅春二月受業門人富平李樸頓

首拜書



寧邑縣志

卷一

三

序

寧邑久無志非無志也經兵燹而志失矣志既失矣何以修之無其人也曰志猶史也非有才學有識者不可以作史則非有才學而有識者不可以修志矣故修之必待其人也尹仲先生以慈谿名宿出宰茲土凡所以興利除害者靡不舉矣乃念寧邑久無志志之不可以不修也適富平進士李君來寧邑李益先生所得士也學問淹博才識過人先生因搜舊志之遺者與之細加竄正而重編焉凡三易稿而志告成故於建置則因循之必覈也於山川則形勝之必詳也於職官則循良之必著也於人物則節行之必崇也於學校則風化之攸貞也於禮制則儀度之足式也於田賦則食貨之可攷也於藝文則文獻之足徵也既典而核亦約而該其正得古史之體與境寧邑久無志今有志矣必如是志也始可以言志矣然而予滋愧矣

皆

康熙庚寅季春既望南海許建勳拜撰

序

皇帝繼天御宇人道化成薄海內外罔不臣妾於是
制詔文學侍從之臣開館受筆札纂修大清一統志
以垂萬年不刊之典天下伯牧令長獻所部郡國
邑志供撰輯者不可勝計而寧遠舊志已逸僅附
輦志以自達蓋邑之困敝久矣自鼎革以來兵火
屢及至於戶口虛耗圖籍散亡其固然無足為怪
而當四應之衝物力數詘官斯土者簿書期會
過不給更數十年無暇搜羅放失編摩成集以存
一邑文獻之舊頭白可期汗青無日則重可惜也
癸未之夏余受

命視篆數與前令悔庵許君及邑文學孔包諸子語及
斯事而歎發意購求好事收藏之家得舊志一帙
首尾殘缺僅十之二三而邑紳李君上士藁本蒼
最近事稍稱詳備嘗欲排續考訂付諸剞劂而力
有未遑殆不異於前所云也今年秋冬閒與吏民
休息頗無外事而重以諸文學鄭重謹諉遂得涉
筆從事發凡起例浹月有成州次部居釐然就秩
矣嘗聞諸通人之論四作志之病有三最爾一隅
漫然操觚源流輒躋之官謹紀載則軼於班馬

寧遠縣志序二

修夜郎聞識海若為妾而已撥拾謠言影掠鄙事
譜勳爵於目前失風烈於身後眼辨方隅網漏吞
舟為陋而已牽引多雜附會亦偽志舟壑之既移
執鴻溝為舊界秦蒲成肺齋瑟澆竿為亂而已能
於三者淘汰其癥結而兢兢乎恪守先民之矩矱
簡而不漏詳而不蕪斯道庶乎其有牙矣今寧遠
岷西鄙山谷之間上下千載可以光照簡冊者既
已無幾而余一從吏役學殖荒落如欲使茲編與
通都大邑名賢之著述齊驅而爭勝此猶操豚蹄
而祝篝車之獲有不笑其為謀之慎者幾希顧惟
海宇昇平文教覃敷郡邑志乘增新叙始所在多
有雖以寧一邑錯諸其間不啻彈丸黑子之微而
社稷人民儼然百里之命所寄獨使其掌故缺而
不補久而無述未得謂非官斯土者之與有責也
是以不揣謏陋而為之論次如此倘後之博雅君
子有能踵事增華張茲邑之志以與通都大邑名
賢著述相為先後者則推輪之始余或與有庸焉
若曰睨然自命志乘用以何

國家同文之盛治誠非區區之愚所敢任也是為序

昔

康熙四十八年歲次己丑冬十一月文林郎知寧遠縣事蔡紹馮同憲書於衙齋西序



例言

一舊志始於邑紳王公璠其義例已無可見今所有殘本乃明萬曆間邑令卽公浩所刻頗爲簡嚴惜無全表而李君上士蒙奉承據亦詳茲更參以府志博訪邑人士之好事多識者用爲損益義取慎重敢云宏備

一舊志分五卷第一圖象次輿地次人物次政事次藝文爲目二十有二李本分八大綱細目四十餘條而圖象不在此內今參之二本微有移易事取適可

不嫌更張

寧遠縣志

例言

一舊志以建置併入輿地竊輿地因其自然建置未諸人事雖建置不在輿地之外而義例微有不同合之同無兩傷離之實爲雙美

舊以官師選舉節婦隱逸仙釋爲目而輿地以人物其官蹟卿賢卽附官師選舉之內此其最不合者官師選舉取備名數非可盡目以人物而人物義歸卿產卽官蹟猶未可洞被也今以官師選舉人物分爲三項其官蹟無多未可特標篇目仍附官師眉目較然實爲允協

一舊標藝文其目有碑記賦詩之類計當時必有可觀

今藝文卷表既亡多方購求隻字無獲率本所載藝文甚少不足獨為一網意其亦不及見焉志藝文故於政事卷內抽出災異一條與藝文合併而標以外紀與志例雖似未合變文見焉原出不得已之苦衷但藝文感於華國災祥本之感召聞之以外似為未允今仍以災祥入政事條內而藝文附之人物倘異時文章積而日多或復有事纂修改藝文為綱不妨名以義起矣

一舊以政事題卷表為率括而李本分食貨典禮

則言

二

其食貨一條篇表甚寡與各條未為適均今仍合而一焉亦義無矛盾

志體與史有全異前人言之已詳無容復贅而邑之與郡此邑之與彼邑其詳畧分合亦有必不可同亦大約地有大小事有繁簡時有盛衰或力為開闢而已失於蕪穢或意主詳贍而尚病其寂寂寧邑地瘠俗儉文獻無徵加意排綴恨多未備然苟牽引附會以為觀美則近於張冠李戴矣故寧得關畧以微實錄

一集鎮且多名存實亡從舊詳錄興復有待

一賦役原額頗多自

國恩蠲除實徵止二千八百亦復未能立辦官民常至交困今止載見在今昔盛衰之數仁人君子開卷一覽可為惻然

一名宦鄉賢所以章往勸來原有者仍之後起者續之有善必錄用宏宏揚至博遠流富風流尤為宏長舊志有隱逸無流寓然比開族黨擇行人有出於二項之外而未可泯沒者今總目以耆舊而婦德女正最為教化之大雖窮居下戶未經上聞採訪既實無幽不聞惟未及益棺則留以自待至選舉恭以馳贈節

實錄卷之二十一

三

列書為錄達賢義理相應非有適莫

一水利政事之大率本不載而舊志諸墨缺佚此項幸而獲全今更據見在參互考訂從詳備錄水泉雖生於天地而疏濬則視乎人力入之建置以祈永久

寧遠縣志目錄

卷之一

輿地

星野 沿革 疆域 山川附形勝 風俗 物產

古蹟附寺觀

卷之二

建置

城郭附街坊 公署 學校 官秩 壇壝 廟祠

里鎮 橋梁 河渠 惠卹 郵遞 守備

卷之三

寧遠縣志 卷之三

政事

戶口 賦役 保課 公式 祀典 鄉儀

災祥

卷之四

官師

知縣 縣丞 典史 教諭 訓導 官蹟

卷之五

選舉

薦辟 進士 舉人附武舉 貢士 例監附吏員

附武階

卷之六

人物

鄉賢附懷柔 耆舊 孝義 節烈 仙釋 藝文

寧遠縣志 卷之六

寧遠縣志卷之一

文林郎知縣事

輿地

先王建邦設都犬牙交錯大小相維
莫不相其山川險易道里遠近而分茅蒞焉秦廢封建為郡縣二千餘載滄桑屢更離合遷徙不常厥所而無分民有分土蓋亦各因其一時之勢而然也寧遠遠介關隴之外山谷重複然周末之世秦逐諸戎

而為邑卒不能廢以至於今雖兵興以來邑里蕭條休養生息未復其始而仰觀俯察鑑古證今以為順時宜民之準者即視諸宛洛名都貝魏劇縣固無以異也作地輿志

星野

天水入營室八度隴西入營室四度安定入營室一度寧遠在安定之南天水之西古為軻道分隴西即隴西縣之東半當入營室四度矣

沿革

皇古上自鳥鼠渭水界下止汧隴皆成紀地禹貢雍州西徼殷小乙世為戎所侵徐廣曰戎番分散居成紀山

谷間是矣秦孝公西斬戎之獠王軻道所由得名秦漢皆隸隴西郡後改隴西縣為襄武既又改軻道皆併今隴西寧遠地既又分其西改為成紀縣而其東獨為軻道即今寧遠地也三國魏改武城晉改新興唐寶應初陷於吐蕃咸通中收復宋初置寧遠寨崇寧中復為寧道縣金仍廢為寨元以來遠鎮省入至元中陞寨為寧遠縣明仍舊為縣屬鞏昌府編戶十七里後併十四里國朝因之

疆域

縣治在郡東九十里東至伏羲縣界小樂門五十里東南至禮縣界六十里南至禮縣界分水嶺九十里西南至漳縣界五十里西至天衢鎮隴西縣界四十五里西北至通渭縣界六十里北至通渭縣界六十里東北至通渭縣界八十里延袤約四百里至省一千一百里至京師三千七百里

山川

老君山 在縣南峻嶒聳翠雲冠峯頂天必大雨中有池又有棋盤山仙人洞之屬
鶴鶴山 近西郭壁立如屏

廣吳山 縣西二十五里

紫燕山 縣西三十里上有大洞時開異花見廣輿記

朝園山 縣西八十里上有古寺泉水甚清

斗底山 縣西南七十里其狀如斗前代倚山立寨以避

溫泉山 縣東南六十里有溫泉瘴氣往往有驗

雲霧山 縣南六十里

九龍山 縣北二十五里

箭杆山 縣西南四十里有石洞深阻人不暇入下有馬

大荒山 縣南五十里極高傑

看花樓山 縣北十五里

中峯山 縣北四十里有古寺及清泉

龍崇山 縣北四十里極險峻

寧遠縣志 卷一

分水嶺 縣東南九十里

鳴鼓山 縣東北五十里

高石山 縣東北三十五里

鳳頭山 縣東北四十里

漸大山 縣東北七十里

魯班山 縣北四十里俗傳魯班鑿洞居此

花崖山 縣南九十里有崖洞石確磴

石門山 縣東北五十里四圍皆峻中有門險峻前人為

太陽山 縣南六十里有鐵冶之處

桃花山 縣北二十五里中有一溪源又各桃花峽發源

龍石山 縣西南七十里

龍鳳山 縣西南八十里

九龍山 縣西北五十里

大佛峽石山 縣東北五十里

水箕山 縣西南七十里高二百餘丈古避兵處

當鐘嶺山 縣西南八十里

世子山 縣西南七十里

沙羊坪 縣東南三十里

晋家坪 縣西南七十里

渭河 自沙灣入縣境經城北東流至伏義界一百里

寧遠縣志 卷一

廣吳河 縣西二十里與縣界溝二水合流至折羊口

山井河 縣西五十里自岷州界發源經縣西川從山

南峪河 縣東二十里自禮縣入本縣關流為楊家河

燕峯川 有納流鍾

馬成龍川 有法華寺有新寺渠傍為潑龍峪

灘閣川 山井河

草川 有大小之名

令家川

礫石川 有稻田

桐樹川

卷一

五泉在縣南五十里見前

龍潭泉在縣北二十里狀如龍頭泉流三派灌田

古靈泉一在縣西南城外百步許其水湧出以資民飲

霧草泉在縣東北三十里一名龍泉

八海泉在縣東四十里水常滿不涸

硯石峽在縣南四十里

木林峽在縣東南四十里

山丹塔在縣西十五里有古石塔

青池塔在縣西十里土可煮鹽

緡撒峪在縣南九十里

銀鐵峪在縣南三十里有銀鐵礦中湧井鹽池

白馬峪在縣南三十里

滴水洞在縣西南二十里有觀音像

佛兒洞在縣西南二十里出粉土資畫

鏡離洞在縣西南二十里有日月之形夜常光明故名

水簾洞在縣北四十里時雨有靈

古人稱都邑隨時遷改惟山川終古不變是固然矣

然余觀寧遠四境皆山考之舊誌與李君上士所錄

同異互出不知其改數之多各有所遺與抑名雖

水

前後不同或實本一山而兩稱之與即老於斯土者

多識者亦未之盡辨也從二本備錄之而水泉考之

水經注自渭水外皆異其名矣附錄經道一條全文

於左以資好事者之考辨焉

余欽水經稱渭水又東過獫狁道縣南鄠道元注曰右

則峯溪獫狁次則同水俱左則過水右注之源一作水

東南逕獫狁道故城西昔秦孝公西斬戎之獫王作獫

戎之獫王於此秦應邵曰獫戎邑也漢靈帝五年別

為南安郡赤亭水出東山赤谷西流逕城北南入渭

水渭水又逕城南得蒙水水出西南安都谷東北流

注於渭渭水又東新與川水出西南烏鼠山二源合

舍宋本注東北流與彰川合水出西南溪下東北至彰

縣南魏地形志謂州典寧郡有彰縣新縣南與獫狁道

侯尉治武都郡有校道縣後漢縣之永元元年帝封

耿乘為侯國也按後漢書耿秉以章和二帝為征西

萬年川水出南山東北流注之又東北注新興川又

東北逕新興縣北昔書地道記南安之屬縣也其水

又東北與南川水合出西南山下東北合北水又東

北注於渭水渭水又東逕武城縣西武城川水入焉

津源所道出鹿部西山兩源合注東北流逕鹿部

亦謂之鹿部水又東北昌丘水出西南丘下東北注
武水亂流東北注渭水渭水又東入武陽川又有關
城川水出南安城谷水出北丘川參差注渭水渭水
又東與落門西山東流三府谷水注之三川統一東
北流注於渭水有落門聚苦焉異攻落門未拔而薨
建武十年來歙又攻之擒隗囂子純隴右平渭水自
落門東至黑水峽左右六水夾注左則武陽溪水東
門得土門谷水俱出北山南流入渭左宋本則有溫
谷次東有故城溪水次東有閭里溪水亦名習溪水
次東有黑水並出南山北流入渭水又東出黑水歷

張道縣志

卷一

七

其川

形勝

東通三輔西控五涼渭水環城南山瞰邑落門扼其前
路廣吳捍於上游當四衝要害之區具一夫當關之勢
故宋金立寨爭之誠隴右重地也

八景

八景之說不知昉於何時夫山川靈秀位置各殊興
會遷流標舉亦異多寡之際豈必定以數限而通來
志乘盛相祖述拘牽剽竊務足名目鄉曲之論君子
存之而已

南峪溫泉 北峯翠黛 君山碧障 渭水虹流 峽

石蘊玉 川馬成龍 紅菱錦川 水梯古寺

風俗

通志云鞏屬民性質直以射獵為生

咸通樓記云人尚爭戰而武藝精

詩書堂云四民樂業無澆浮之習

鞏舊志云天水隴西山多民以板屋為居故秦風之詩

曰在其板屋

新鞏志云寧遠縣士習民風多樸茂而鮮緣飾治生惟

務耕牧絕無通方遊藝之習婚姻喪葬稱家有無不論

寧遠縣志 卷一

八

財賄不用浮屠庶幾禮教之風然山險惡水迅激村鎮

相與繁庶餘裕物產不乏郡以東稱沃壤第村鎮僻則

喜窩藏山水險則人性悍健訟成風不勝不止強或武

斷奸多耳箸甚或逃據山谷毆公役抗三尺此為惡習

青山一帶裸人蜂集小則穿窬大則劫掠非嚴刑法多

巡徼不能剋戢彈奸禁暴長民者蓋難乎其為力哉

大抵風俗頗尚質樸婚喪率漸於禮然喜口腹一聚飲

間羅列珍膳雖稱貸不惜也舊俗子弟結社有義必購

婚嫁必助至今猶然

元旦祀天地祖先親友交拜元宵家家張燈前一目試

燈卜六日遊三橋御疾瘧清明祭男女共拜掃驚蟄
時種夏禾穀雨種稻芒種種麻八月種小麥遇節令
報賽田祖端陽日門上掛柳飲新酒入雄黃小兒以雄黃
塗身繫長命索六月六日焚絳獻菹日湯於塚上七夕
小兒女乞巧中秋置果餅集飲九月九日佩茱萸飲菊
酒十月朔日祭祖先送冥衣家家俱哭十一月隨官師
賀陽至十二月八日食臘粥貯水水二十三日照電除
夕易桃符門神爆竹守歲

物產

穀民之天也先農教民稼穡亦隨地之宜寧雖小邑
原隰相半肥瘠又相半而杭稻菽麥相其地植之皆
有舊餘幸而有穀則急糴以辦公賦餘猶不能卒歲
或有敗糶倘爾糴焉適使坐困耳以故人無墻櫛之
積而無絀錦之肆歲一不登而流離相屬溝壑繼之
矣若但見市有譚錚野有薪蒸山有鹿永水有魚鱉
遂口饒俗是委巷之見也其飛潛動植大約與鄰邑
同邑人李士題

穀類

黍粟麥稻菽麥燕麥有大小菽粟麻
諸類

芥菹葱蒜菜菔瓜有東西蒿苣薯蕷
胡荽芫荽芡芣蔓菁茶黃菁虎角菜

果類

桃杏棗梨羊棗胡桃秋子文林

木類

松栢檉椿槐桑樺榆柳楊

花草類

牡丹芍藥菊丁香竹菖蒲蓼鳳尾

藥類

當歸大黃甘草麻黃半夏知母蒼朮

雜志

車前薄荷紅花荊芥南星苦參益母

柴胡升麻黃芩黃芪五倍子茜草澤瀉

麝香羌活獨活遠志

貨類

棧木蜜木炭麻

禽類

鴻雁鸕鶿雉鵲鸚鵡鳩鵲布穀啄木

鷓鴣鴉鵂雀馬鴉鴟鴞

獸類

麋鹿麝麝豺狼虎豹狐兔馬

牛 羊 驢 羸 犬 豕 貓

鱗類

鯉 鱖 鯢 魴

介類

龜 蟹 鰕

古蹟寺觀附

舊城縣東三十里傳為魏置避其所居又名平定府

落門聚縣東三十里今改樂善鎮

後漢書王元屯兵落門聚又來歙等攻破落門皆指

此地是寧邑古蹟之最遠且確者莫過於此不知何

軍處縣志

卷一

十一

時改為樂善意以落字義不佳耳按爾雅落訓始又

築室既成而祭為落不必定以零落為義也然往來

行人猶沿舊號聞於四方固未始有樂善之名矣

狽道城縣東南四十里龐德故里

德本狽道人事魏武帝義興之戰為漢將關公所擒

主將于禁降於漢而德不屈見殺此亦一壯士也輒

輩志者以事魏為嫌憤而不錄持論非不正矣然魏

據中國承漢祚史家以正統歸之者近千載非紫陽

夫子起而正之即在今日尚當大書黃初於建安之

後也苟文若霸府渠魁蘇端明且方以伯夷子房則

事魏之非固未可以責德即與華歆劉表提論亦當

從未減之科者也志乘之體或善惡並書或微長必

錄寧邑人物褒貶德盡忠所事首張邈道之名於天

下而拘牽綱目緒論以矜筆削之嚴不知綱目道續

獲麟志乘文成掌故義例有嚴各有攸當執以一切

之法譬諸亭長三老而施周官六計樂吏之典於比

閭族堂有不共笑其狂易者乎寧志之役余未敢公

然躋德於人物以取儒者譴詠也而附論古蹟聊曾

所疑海內不少通人必有相視而笑者矣

定遠城縣東十五里

軍處縣志

卷一

十二

梳羅城縣西三十里

廣吳廢縣在廣吳山宋置

田家城縣東南五十里

安家城縣南四十里

范公泉縣西四十里水甘

洗頭盆縣西南七十里相傳古女洗頭髮飛騰至今猶

甚盤臺縣南十五里俗傳喜農對奕處

說法臺縣北五十里

大佛縣東北五十里石山嶺深上有人佛三尊傳云鳩

千佛洞縣東北五十里

附錄

卧龍石

西郭外

渭水中水清時大石上有痕深入蛟

鬼石

縣南六十里擊之如雷聲

輦志載寧遠古蹟止廣吳廢縣一條未免過於簡寂而本邑舊志備錄毛寒數十既非關於興廢亦無當於博雅多美以爲故今茲載筆搜討特擇詳畧之間義歸萬水而已夫飛鴻印沙豈出有意舊蹟空多何與後來然而朝市屢移靈光賦在將軍既去大樹名存頓仰千秋每資慷慨壁之春榮秋謝理數實然而觀其搖落人有爲之流連者矣

寧遠縣志

卷一

十三

附寺觀

壽聖寺

在城勅封

萬化寺

縣南三十里

東華寺

縣東四十里

廣靈寺

縣南四十里

木梯寺

縣西南六十里

屏峯寺

縣西五十里

三清觀

在城勅封

魯寺觀

縣西四十里

西寧觀

縣南四十里

觀音閣縣西郭外

陝西會城之隴右者取道有二由西安府乾州西北經平涼府瓦亭驛過六盤山至蘭州爲北道由鳳翔府之隴州過隴山經清水秦州伏羌寧遠至鞏昌府爲南道鳳翔東至潼關約七八百里平原廣野四望渺然城市散布道路交通過隴以西則山谷合沓一道中盤州邑建置皆當扼塞之處非獨寧遠一邑爲然而以寧論之西去郡城百里而近尤所謂在戶庭之間者乎嘗尋來欽王元等之所攻守宋人金源之所戰爭雖時移事去山農野老無能指點其處而畢命盡氣以爭進退於尺寸者猶可彷彿於壘平鐵消山高水迅之間蓋誠形勢要害之區也今國家統一宇內承平數十年兵戈衅而不試一邑盛衰何足論於輕重之數然天下大勢自古以秦中爲首而關隴扼其項背河隴諸郡以鞏爲大而寧遠司其鎗牡築堤千尺尤以一寸爲高而況屹屹巖疆提封百里者乎易曰王公設險以守其國詩曰徹彼桑土綯繆牖戶豈不誠然乎哉

本縣儒學廩膳生員孔瑜校

寧遠縣志卷之二

文林郎知縣事慈谿馮同憲輯

建置

郡邑之設必有建置周禮冬官大司空所掌下及土作織細無不備具而躋其班於冢宰宗伯之別故知國所憑依將在此矣今天下封域之以州縣分者千有餘區計其幅輳之廣狹土田之肥瘠戶口之多寡財賦之盈詘常至於倍蓰什伯而無算而建置之屬制無降謬蓋以分內外辨尊卑均道里節勞逸答神貺定民志缺一不可非姑以為故事而已王章具在寧遠縣志卷二

城郭

民力溥存寧邑雖小猶此志也作建置志

寧遠縣城即古貍道舊址明洪武二年知縣劉冕初建倚山臨渭地勢局促故形如偃月週三里高丈九尺厚丈餘上有子牆高四尺厚三尺內高三尺厚二尺池深一丈成化間知縣謝茂增修瀕渭善崩正德丁丑知縣江萬玉避水改修然無餘地終不離窠臼惟東西二門萬玉又闢南北門皆覆以櫓東曰景明西曰景橋南曰景仰北曰景瀾嘉靖中知縣儀世麟陳官相繼增修高三丈濶丈五崇正初北城又為渭所嚙流寇逼近監軍

通張公兆曾用水棚木橋泥填曰城始獲全十年知縣郭爾照重修量去計日按賦出役復自捐薪米募夫不勞而成順治末康熙初數載秋多霖雨崩圯相屬至十一年知縣龐守謙捐金措置躬親陶甃鼓舞徒衆民忘其勞自百里外裹糧負錫不召而至者日以千計浹月而城頗稱大觀自後因仍數十載北城復圯東西南三面漸次頽塌四十四年知縣馮同憲重修捐貲召募計工費約九百餘金兩月竣事

寧遠縣志卷二

二

按寧遠之地為鎮為縣其以貍道名者前後屢易厥所水經稱渭水東過獮道縣南是漢城故在渭水之北也今考宋廢縣在廣吳去邑治三十里而龍德故里名貍道城者又在東南四十餘里亦與水經之說未合舊志稱今縣城為貍道舊址於古昔乎何居固不可考矣唯是寧遠境內其為山環水抱林水森森而地勢寬敞固無過落門之東所謂蓼川者而邑城之建獨舍彼取此輩郡志之論寧遠曰昔人建置不嫌偏隘各有所見未可輕議也猶信

附街市

有縣治則有街市士民之所聚族而歌哭商賈百工之所日中而交易者也寧遠為邑在昔頗號繁明